

REFERAT AIA - Aningaasaqarnermut Inuussutissarsionermullu Ataatsimiititaq d. 20-06-2023

Mødedato Tirsdag d. 20. juni 2023 kl. 16:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Meeqqanut Atuarfeqarnermullu Ataatsimiititap angalaneranit nalunaarusiaq.....	6
Paamiut pillugit isumaqatigiissut 2023 pillugu killiffik.....	8
Imigassanik aalakoornartulinnik imigassanik nioqquteqarsinnaanermut akuersissummut type A-mik Innuttaasumit siunnersuut: Illup iluani pinnguartarfik.....	11 14
Kommuneqarfik Sermersuumi kommunitut nammieernerunissamik misileraanerup ingerlanneqarr ESANI-mi ileqquusumik ataatsimeersuarneq 2023.....	17 20
2024-mut Missingersuusiornermut malittarisassat.....	23
Kommunip ingerlatseqatigiiffini ataatsimeersuarneq 2023.....	26
Aningaasaqarnermut Inuusutissarsiornermullu Ataatsimiititap aamma Sanarfinermut Avatangiisin Misiligutaasumik Majoriami immikkoortukkuutaartumik atuartitsineq.....	29 32
2023-mut suliat pitsaassusissaata allaaserineqarnerisa nalimmassarneri.....	35
Kommunimut pilersaarummut tapiliussap 1A3-3 Jens Kreutzmannip Aqqutaa aamma Saqqarliit, Ni Paamiut qanittuanni qassusersorluni qaleralinniarnissamut periarfissinneqarnissaq.....	38 41
Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tus Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunn Tankeqarfik 40E2, Ittoqqortoormiit, pillugu aalajangersakkat nutaat pillugit siunnersuummik taman Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissa Tamanut tusarniaaneq Kommuneqarfik Sermersuumi illuliornermit sanaartornermillu nipit akornus Lukket.....	44 47 50 53 57 60
Lukket.....	61
Tamalaat.....	62
Imaqarniliap akuerineqarnera.....	63

Punkt .: Saqqaa

Ilaasortat

Avaaraq S. Olsen (IA) *siulittaasog*
Juaaka Lyberth (IA)
Uju Petersen (IA)
Justus Hansen (D)
Ken Madsen (N)
Inga Dóra G. Markussen (S)
Dorthe-Marie Mogensen-Fontain (S)

Beslutning

Ataatsimeeqataasut:

Avaaraq S. Olsen (IA) *siulittaasog*
Juaaka Lyberth (IA)
Uju Petersen (IA)
Poul Petersen (D), Justus Hansenimut *sinniisussaq*

Attaveqaatitigut peqataasut:

Ken Madsen (N)
Inga Dóra G. Markussen (S)
Dorthe-Marie Mogensen-Fontain (S)

Ataatsimeeqataasinnaanani nalunaartog:

Justus Hansen (D)

Punkt .: Oqaluuserisassat akuersissutigineqarneri

Beslutning

Immikkoortumut 16-mut Ken Madsen attuumassuteqarpallaarnini nalunaarutigaa.

Oqaluuserisassat akuersissutigineqarput.

Punkt .: Nalunaarutit

Beslutning

Siulittaasup Avaraaq Olsen-p (IA) nalunaarutai:

Neqitamik ataatsimeeqateqarneq

Ulloq 31. maj Neqitami siulersuisusi ataatsimeeqatigisimavakka, tassaasut Karl Kristian Kriuse, Bent Jerimiassaen aamma Jens Sikensen.

Ataatsimiinnermi qulequttat arfinillit qaqinneqarsimapput:

1. Nuummi kalaalliaqqami atuisut akornanni pissutsi
2. Sullivimmik attartornermut tunngasut
3. Avatagiiserput saligaatsuutinnissaanut tunngasoq
4. Puttasogarneq
5. Hal 3-mut tunngasut
6. Tamalaat soorlu piniutaarsiutinik qalluinissamik kommuunimut qinnuteqaat itigartitsissutigineqarsimasoq, aalisarnermik siunnersuisoqatigiit sulinerat aallartilluartoq aamma suliniutissat anguniakkallu misinnartumik alloriartalerat oqaatigineqarpoq

Arsummi Nunaqarfimmi Aqutsisut naapinneri

Ulloq juunip aappaat Arsummi Nunaqarfimmi Aqutsisut pingasuusut Hanne Jakobsen, Niels Peter Mikaelen aamma Jørgen Kristensen maani Nuummi ataatsimeeqatigisimavakka.

Nunaqarfimmi Aqutsisut Borgmesterimik aammalu Naalakkersuisunik ataatsimeeqarteqarnissaannik noqqaassuteqarsimanerat aallaavigalugu Nuummumut tikinnissaat aaqqissuunneqarsimavoq.

Ataatsimiinnermi qitiusoq unaasimavoq Arsuup ullumikkut killiffia taamatuttaaq siunissaq pillugu iliuuseqartoqartariaqarnera. Ataatsimiinnermi qulequttat ilaat qaqinneqartut soorlu makkuupput:

- Arsuup inukilliarthonera nunaqarfittullu uninnganera piaartumik iliuuseqarfigineqarnissaa Aqutsisunit kiissatigineqarpoq
- Arsummi sulissat unittoortaneri pillugit ingerlatsivinniit paasissutissiisarnerit pitsaanerusut ujartorneqarput
- Qinikkanik tikinneqarnissamik kissaateqarneq
- Arsuup Kangerluata Nunaqarfimmut pingaaruteqarluinnarnera inuussutissarsiorneq fabrikkeqarnerlu eqqarsaatigalugu
- Ivittuut eqqaani aatitassarsiorqarnissaanut akerliliineq aammalu Kangilinnguani sakkutooqarfup atoruunnaarsivinneqarnissaanik soorlu sungiusartarnerit eqqarsaatigalugit inerteqqutigilerneqarnissaanik kissaateqarneq
- Nunaqarfimmut tulluunnerusunik aaqqiissarnerit kiissatigineqarput
- Allallu

Taamatuttaaq Nunaqarfimmi Aqutsisut namminneq Naalakkersuisut pingasuusut ataatsimeeqatigisimavaat:

- Ineqarnermut Attaveqaasersuutinullu Naalakkersuisoq Erik Jensen
- Aatsitassanut Inatsisillu Atuutsinneqarnerannut Naalakkersuisoq Aqqaluaq B. Egede
- Isumaginninnermut, Suliffeqarnermut, Nunamullu Namminermut Naalakkersuisoq Jess Svane

VM-mut angunniinnerit

Unamminerit pissangaqisut maani Nuummi Inussivimmi piffissami juunip 5.-niit 11-ta tungaanut ingerlanneqarsimasut assigiinngitsutigut peqataaffigisarsimavakka. Siullermik ammaanersiornermi oqalugiarsimavunga taamatuttaaq ajungaaniinnermi ajungaasut aamma medajlissaanik/ujaminik tunisarsimallugit.

Punkt 1: Meeqqanut Atuarfeqarnermullu Ataatsimiititap angalanerani nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Angalaneq pillugu nalunaarusiaq



Meeqqanut Atuarfeqarnermullu Ataatsimiititap angalaneranit nalunaarussiaq

Paamiut, novemberi 2022

Ilisimatitsissut

SagsID: EMN-2023-01590

Suliffeqarfimmu Kiffartuussivik – kommunaldirektøri Ole Jakobsen/ OJAK

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ataatsimiititaq ulluni 8.-10. november 2022 Paamiunut angalavoq. Angalanermi siunertaasimavoq kommunimi ulluunerani paaqqinnittarfiit, fritidsklubbip, meeqqat atuarfiata aamma timersortarfiup, meeqqanut atuarfimmullu suliaqarfiup ataaniittut, pulaarnissaat. Taamatuttaaq pulaarnerni aqutsisunik ataatsimeeqateqarnernut sumiiffinni killiffiit pillugit oqaloqatigiinnermik pilersitsinissaq siunertaasimavoq.

Ataatsimiititap Paamiunut angalaneranani aallartitat timersortarfik, Atuarfik Tuiisaaq, Meeqquerivik Mike, Meeraaqquerivik Meeraq aamma Fritidsklubbi takuniarpaat. Tamatuma saniatigut sumiiffiit assigiinngitsut aqutsisui ataatsimeeqatigineqarput, ataatsimiititamullu ilaasortat meeqqat inuusuttullu pillugit suliaqarneq, sumiiffinni naleqartitat, siunissami anguniakkanik aamma unammillikkat ilaasa aaqqiivigineqarnissaannut kissaatigineqartunik ilisimasaaqalerput.

Meeqqanut Atuarfeqarnermullu Ataatsimiititamit peqataapput Juaaka Lyberth (siulittaasoq), Poul Petersen (siulittaasup tullia), Mia Skifte Lynge (ilaasortaq) aammalu Dorthe-Marie Mogensen-Fontain (ilaasortaq). Meeqqanut Atuarfeqarnermullu Ingerlatsivimmiit Charlotte Bech (stabschefi) peqataavoq. Aammattaq Julia Lynge Ezekiassen (ataatsimiititami ataqatigiissaarisooq) Pisortaqatigiit Allatseqarfianiit peqataavoq.

Meeqqanut Atuarfeqarnermullu Ataatsimiititap angalanerminnit ilikkakkatik ilisimalikkatillu ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2022-mi ataatsimiititap angalanissaanut 350.000 koruunit immikkoortinneqarsimapput.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Ataatsimiititap suleriaasia

Siusinnerusukku aalajangiinerit

Meeqqanut Atuarfeqarnermullu Ataatsimiititaq, 07.06.23:

Inassuteqaat akuersissutigineqarpoq.

Ilanngussat

1. Angalaneq pillugu nalunaarussiaq

Punkt 2: Paamiut pillugit isumaqatigiissut 2023 pillugu killiffik

Beslutning

Ilisimatitsissut tusaatissatut tiguneqarpoq.

Bilag

Paamiut pillugit isumaqatigiissut 2023 pillugu killiffik

Paamiut pillugit isumaqatigiissut

Ilanngussaq 1 Paamiut pillugit isumaqatigiissummut

Paamiut pillugit isumaqatigiissut 2023 pillugu killiffik

Ilisimatitsissut

SagsID.: EMN-2023-00873

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Paamiut pillugit isumaqatigiissut 2019-imi Kommuneqarfik Sermersuup aamma Peqqinnissaqarfiup akornanni isumaqatigiissutigineqarpoq. Isumaqatigiissut peqqinnissaqarnermut tunngasut pillugit suleqatigiissutigineqarnissaannut atorneqartussaavoq. Paamiut pillugit isumaqatigiissutip peqqinnissaqarfiup/peqqissaaviup kommunillu/Paamiunilu utoqqaat illuata akornanni piunasaqaatinik pitsanngorsaanaasaq qanimullu suleqatigiinnissap qulakkeerneqarnissaat siunertarivaa.

Paamiut pillugit isumaqatigiissut Paamiuni nutaamik peqqissaaviup tallissutaani utoqqaat illuliorqarneranut atatillugu isumaqatigiissutigineqarpoq. Isumaqatigiissuteqarnikkut iluaqutitalimmik atortunik sulisoqarnikkullu nukissanik avitseqatigiilluni suleqatigiinnissamut killiliussat aalajangersarneqassapput.

Ukiumoortumik suleqatigiinnerup killiffianik nalunaaruteqartoqartassaaq (ilanngussaq 1 takuuk). Tulliuttumi suleqatigiissutigineqalereersut ataasiaakkat aammalu suleqatigiissuteqarfissat, ukkatarineqalersussat siunissamilu suliarineqartussat pillugit eqikkaasoqassaaq.

Suleqatigiissutigineqalereersut

- Siusinnerusukkut suleqatigiissutigineqareersut suli ingerlalluarput, soorlu unnuarsiorturnik aggersarneqarsinnaasutut pigaartuut ataatsimoorunneqarnerat, sapaatip akunnerata naanerani utoqqaat nerisassanik pajunneqartarnerat, ataatsimut eqqiaasarneq errorsisarnerlu kiisalu iluaqusersuutunik avitseqatigiinneq
- Marsimi 2023 peqqinnissaqarfimmi portørit pedelit suliainnik isumaginnitsillugit malinnaasinneqartarnerat misiliutigineqarpoq. Taamatut iliorneq pivoq pedelit suliassai qanoq ililluni peqqinnissaqarfimmut tunniunneqarsinnaaneramik paasiniarnermi
- Kingullermik 2022-mi killiffissiuisoqareernerata kingorna utoqqaat illuata peqqissaaviup nakorsaasersuisarneranik suliassaa tiguua. Taamatut iliorneq utoqqaat illuanni sulisunut najugaqartut nakorsaataannik annerusumik nakkutiginnissinnaanerannik isumannaannerunerannillu kinguneqarpoq ilaatigut nakorsaatit sunniutaannut annertussilerneqartarnerannullu tunngatillugu

Siunissami suleqatigiissutissat

- Misililluni aaqquissuussineq ingerlariaqqiffigalugu aqutsisoqatigiinnit portørit pedelillu suliassaasa 2023-mi ataatsimoortinneqarnissaat pilersarusiorneqassaaq. Ilaatigut portørit atuuffiunut nassuiaat misissorneqassaaq aamma portørit utoqqaat illuannut tunngatillugu suleriaatsinik nassuiaatit suliarineqassapput
- Ataatsimoorussamik pikkorissartitsisoqarnissaanut tunngasunik suleqatigiissuteqarnissaq unammillerneqartoqarsimavoq, sulisut taarsaannerat nukissallu killeqarnerat

- pissutigalugit. Siunissami anguniagassat ilagivaat, sulisut annerusumik pikkorissartinneqartarnissaat ilaatigut ilinniartitsinissamut ataatsimoorussamik pilersaarusiortarnikkut. Aqutsisunit aammaarluni ataatsimut pikkorissaasarnissaq pingaartinneqassaaq, sulisunut nukissanullu tunngatillugu tamanna ajornartinneqanngikkaangat
- Siunissami ataatsimoorussamik unnuami pigaartoqartarnissaa sulissutigineqassaaq. Ataatsimoorussamik unnuami pigaartoqartarnissaanut alloriarnissaq tulliuuttoq tassaavoq videokkut nakkutilliisutit oqaloqatigiinnermullu atortut utoqqaat illuanni ikkunneqarnissaat

Paamiut pillugit isumaqatigiissutip killiffia ataatsimiititamut 2024-mi upernaakkut tunniunneqarqissaq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Paamiut pillugit isumaqatigiissut (ilangussat ilanngullugit)
- o Peqqissutsimut tunngasuni suleqatigiinnissamut isumaqatigiissut Peqqissutsimut Naalackersuisoqarfik / Kommuneqarfik Sermersooq

Siusinnerusukkut aalajangiinerit

Suliffeqarnermut Isumaginninnermullu Ataatsimiititaq, 30.05.23:

Ilisimatitsissut tusaatissatut tiguneqarpoq.

Ilangussat

1. Paamiut pillugit isumaqatigiissut 2023 pillugu killiffik
2. Paamiut pillugit isumaqatigiissut
3. Ilangussa 1 Paamiut pillugit isumaqatigiissummut

Punkt 3: Imigassanik aalakoornartulinnik imigassanik nioqquteqarsinnaanermut akuersissummut type A-mik qinnuteqaat

Beslutning

Inassuteqaat akuersissutigineqarpoq.

Bilag

Tjeklisti

Niuerfiup suleriaasia

Imigassaq pillugu politikki

Kalallit Nunaanni Politiit

Meeqqanut Ilaqutariinnullu Ingerlatsivik

Meeqqat Atuarfeqarnermullu Ingerlatsivik

Sanarfinermut Avatangiisinullu Ingerlatsivik

Imigassanik aalakoornartulinnik imigassanik nioqquteqarsinnaanermut akuersissummut type A-mik qinnuteqaat

Aalajangiiffigisassaq

SagsID.: EMN-2023-01554

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Nilak A/S, Godthaab Bryghus, Jeppe Ejvind Nielsen-mit imigassanik aalakoornartulinnik nioqquteqarsinnaanermut akuersissut type A pillugu qinnuteqaat akuersissutigineqassasoq

Suliassamik saqqummiussineq

Suliffeqarfimmut Kiffartuussivimmit Nilak A/S, Godthaab Bryghus, Imaneq 30, 3900 Nuuk, Jeppe Ejvind Nielsen-mit imigassamik aalakoornartortalimmik type A-mik imigassanik aalakoornartulinnik nioqquteqarsinnaanermut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut qinnuteqarnermik paasissutissat tamarmik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik, Meeqqat Atuarfeqarnermullu Ingerlatsivik aammalu Sanarfinermut Avatangiisinullu Ingerlatsivik tusarniaassutigineqarpoq, taakkulu oqaaseqaatissaqanngillat.

Suliffeqarfimmut Kiffartuussivimmit Nilak A/S imigassanik aalakoornartortalimmik nioqquteqarsinnaanermut akuersissummik type A-mik tunineqarnissaanut piunasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat

akuersissutininik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulik Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

Ilangussat

1. Tjeklisti
2. Niuerfiup suleriaasia
3. Imigassaq pillugu politikki
4. Kalallit Nunaanni Politiit
5. Meeqqanut Ilaqutariinnullu Ingerlatsivik
6. Meeqqat Atuarfeqarnermullu Ingerlatsivik
7. Sanarfinermut Avatangiisinullu Ingerlatsivik

Punkt 4: Innuttaasumit siunnersuut: Illup iluani pinnguartarfik

Beslutning

Inassuteqaat akuersissutigineqarpoq.

Bilag

Innuttaasut siunnersuutaat – Illup iluani pinnguartarfik

Innuttaasumit siunnersuut: Illup iluani pinnguartarfik

Aalajangiiffigisassaq

SagsID.: EMN-2023-01572

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- innuttaasunit illup iluani pinnguartarfiliornissamik siunnersuut itigartinneqassasoq

Suliassamik saqqummiussineq

2021-mi innuttaasunit illup iluani pinnguartarfiliortoqarnissaanik siunnersuuteqartoqarpoq (ilangussaq 1 takuuk). Siunnersuut 339-nik taaneqarsimavoq taasinerillu 250-it pisariaqartinneqarput, maajimilu 2021-mi ingerlatsivimmi suliarineqartussanngorlugu ingerlateqqinneqarpoq.

Sanarfinermut Avatangiisinullu Ingerlatsivimmit, illup iluani pinnguartarfiliornissaq kommunip suliassarigaa, itigartinneqarpoq. Allaffissornikkut kukkusoqarnera pissutigalugu innuttaasunit siunnersuut ingerlatsivinnit allanit suliarineqarsimanngilaq. Innuttaasunik siunnersuuteqartitsisarnerup nutaamik ingerlanneqartalernerat tunngavigalugu massakkut innutaasut siunnersuutaat ingerlatsivimmit itigartinneqarsinnaajunnaarput, taakku malittarisassanik aalajangersakkanik naammassinnikkaluartut, taanna piginnaatitsissut ataatsimiititani attuumassuteqartuniimmat. Taamaattumik ingerlatsisarnerup nutaap malitsigisaanik politikikkut aalajangigaasussaavoq illup iluani pinnguartarfeqarneq kommunip politikikkut ingerlanerata iluaniinnissaa. Taamaattumik Suliffeqarfimmut Kiffartuussiviup, innuttaasut siunnersuutaat taanna politikikkut isummerfigineqarnissaa kissaatigivaa, taamaalilluni taanna ingerlatseriaatsit nutaat malillugit naammassineqarniassamat.

Illup iluani pinnguartarfik kommunip suliassaatum kommuninut piginnaatitsinerumt malittarisassat innersuussutigalugit

Illup iluani pinnguartarfimmik pilersitsineq kommunip suliassarineraa pillugu apeqqummut tunngatillugu pissusissamisoorpoq tamanna kommuninut piginnaatitsinerup iluaniittuunera misissussallugu. Kommuninut piginnaatitsissut tassaavoq, najukkami innuttaasut nalinginnaasumik pisariaqartitaannik naammassinninnissaq anguniarlugu, aningaasat kommunimit qanoq atornerarnissaannut kommunimut tunngavissaatitaasoq. Kommuninut piginnaatitsissummi malittarisassat pisinnaatitaaffinnut tunngaviusunik allassimanngitsunik tunngaveqarmata, matumani malittarisassat ersarluttut pineqarput, taamaattumillu naliliineq tassani pineqarpoq. Imaassinnaavoq illup iluani pinnguartarfimmik pilersitsineq kommuninut piginnaatitsissut iluaniittoq, nalilerneqarpat, suliassaq taanna kommunimi innuttaasunut iluaqutaassasoq. Kommunit kommuninut piginnaatitsissutinut malittarisassaat malillugit suliassat kommunip isumagisinnaasaannut assersuutigineqarsinnaavoq, assersuutigalugu, suliniutit susassaqartitsinerup, kulturimut timersornermullu iluaniittut, illullu iluani pinnguartarfik taakku iluini pisinnaaneramik tunngavilersorneqarsinnaasut.

Unammilleqatigiinnermut inatsimmut tunngatillugu kommune suliffeqarfimmut namminersortumut unammillertog

Innuttaasut siunnersuutaasa ingerlatsivimmi suliarisassanngorlugu ingerlateqqinneqarneraniit ukiup affaa inorlugu qaangiuttoq Nuummi suliffeqarfik namminersortumit pigineqartoq "Avi's

Legeland” pilersinneqarpoq (suliffeqarfik 11. oktober 2021-mi pilersinneqarpoq). Suliffeqarfik illup iluani pinnguarterfimmik angisuumik ingerlatsivoq. Kommune illup iluani pinnguarterfiliussappat, taava kommune siuliani suliffeqarfimmu taaneqartumut kiisalu siunissami namminersorlutik suliniuteqartussanut assigiinngitsunik atugassaqartillugit unammillertuulissaaq. Tamanna Namminersorlutik Oqartussat nalunaarutaanni nr. 2, 26. marsi 2021-meersoq innersuussutigalugu ajornakusoorpoq, Unammilleqatigiinneq pillugu Inatsisartut inatsisaat nr. 1, 15. maj 2014-imeersoq (unammilleqatigiinnermut inatsit), §13 aamma §14 (takuuk ataaniittoq, pingaartumik allassimasut ataatigut titarnertallit).

§ 13. *Namminersorlutik Oqartussat, kommunit il.il. inuussutissarsiornermik suliaqarnermik taamaattumik inatsimmi § 2, imm. 1-imi taaneqartumik ingerlataqarnerat unitseqqullugu Unammilleqatigiinnermut Ataatsimiititaliaq peqqusissuteqarsinnaavoq, suliaqarneq taanna:*
1) niuerfimmi pineqartumi sunniuteqarluartumik unammilleqatigiinnissamut tunngaviusunik equtitsippat, imaluunniit equtitsisinnaappat, imaluunniit
2) sunniuteqarluartumik unammilleqatigiinnissamut tunngaviusut piunerannik imaluunniit ineriartortinneqarnerannik kigaalagusersuippat, imaluunniit kigaalagusersuinissatut atuussinnaappat.

Imm. 2. Inuussutissarsiornermik suliaqarneq inatsimmi tunngaveqartumik ingerlanneqarpat peqqusissuteqarneq nalunaarutigineqarsinnaanngilaq.

Imm. 3. Allatut aalajangiisoqanngippat peqqusissuteqarneq ingerlaannaq atuutilissaaq.

§ 14. *§ 13-imi maleruagassat atuupput suliffeqarfinnut, peqatigiiffinnut, aningaasaateqarfinnut il.il. pisortani oqartussaasut toqqaannartumik imaluunniit toqqaannanngitsumik piginnittuunermikkut, aningaasalersuinerimi peqataanermikkut, maleruagassani atuuttuni imaluunniit allatut ittumik immikkoortortamut aalajangiisuusumik sunniuteqarfigmaannut.*

Inatsit aamma suliffeqarfiit assigiimmik unammillersinnaanerat eqqarsaatigalugu, taamaattumik innersuussutigineqarpoq, innuttaasut illup iluani pinnguarterfimmik pilersitsinissamik siunnersuutaat itigartinneqassasoq, illup iluani pinnguarterfimmik pilersitsineq kommuninut piginnaatitsissutip iluaniikkaluarpalluunniit. Susassaqartitsinnermut immikkoortoqarfik aamma Sanarfinermut Avatangiisinullu Ingerlatsivik tusarniaaffigineqarput inassuteqaammullu isumaqataapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommuninut piginnaatitsissummi malittarisassat
- Namminersorlutik Oqartussat nalunaarutaat nr. 2, 26. marsi 2021-meersoq Inatsisartut unammilleqatigiinneq pillugu inatsisaat (unammilleqatigiinnermut inatsit)
- Piginnaatitaaffinnik agguataarinnermut pilersaarut

Ilanngussat

1. Innuttaasut siunnersuutaat – Illup iluani pinnguarterfik (oqaaseqaatigineqartut ilanngullugit)

Punkt 5: Kommuneqarfik Sermersuumi kommunitut nammineernerunissamik misileraanerup ingerlanneqarneranik aallartitseqqinneq

Beslutning

Inassuteqaat akuersissutigineqarpoq, imatut allannguutitalerlugu: inassuteqaatit aappaanni Tasiilaq nunaqarfiinilu innuttaasunik peqataatsineq pineqarpoq.

Bilag

Kommuneqarfik Sermersooq kommunitut nammineernerunissamik misileraaneq (nassuiaanerit)

Kommuneqarfik Sermersuumi kommunitut nammineernerunissamik misileraanerup ingerlanneqarneranik aallartitseqqinneq

Aalajangiiffigisassaq

SagsID.: EMN-2023-02283

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunitut nammineernerunissamik misileraanissamik aaqqissuussaq aallarteqqinneqassasoq
- Tunumi innuttaasuunik akuutitsinerup aallartinneqarnissaa akuerineqassasoq
- kommunitut nammineernerunissamik misileraanissamut siusinnerusukkut siunnersuutaasimasut ilanngunneqannginnissaat akuerineqassasoq

Suliassamik saqqummiussineq

Kommunitut nammineernerunermik misileraanermi kommune malittarisassanik inatsisinillu atuuttunik, aalajangersimasup iluani, suliassaqarfimmi killilikkami, immikkut akuerineqarsinnaavoq. Taamaattumik kommunitut nammineernerunermik misileraaneg imaanngilaq kommunimi kommune tamaat imaluunniit nunap immikkoortua tamakkerlugu immikkoortinneqassasoq. Kommunitut nammineernerunissamik misileraaneg aallartinneqarpoq pisortat suliassaqarfiisa iluani aaqqiissutinik pisariinnerusunik nassaarniarnissaq siunertaralugu peqatigitillugulu aningaasat pitsaannerusumik atorineqarnissaannik qulakkeerinnikkumalluni aamma/imaluunniit piffissaqarnerulerusullunilu nukissaqarusulluni kommunip isumaginninnermi pingaarnertut suliassaqarfiini. Taamaalilluni kommunitut nammineernerunissamik misileraanerup iluatsittup qulakkeerinneqataaffigissavaa allaaffissornerujussuup annikillisarneqarnera, pisariillisaaneq aamma kommunip suliassaaqarfiinik pitsaannerumik aqutsineq, misilittakkallu malittarisassat inatsisinillu Naalakkersuisunit kommuninut atuutsinneqartut pitsaannerulersinnissaannut pisariillisarinnissaannullu atorineqassapput. Ilutigitillugulu kommunitut nammineernerunissamik misileraaneg periarfissiissaaq kommunip pisortat suliassaqarfiata ilaanik aaqqissuussinissaanik, sumiiffimmi pissutsit annerusumik eqqarsaatigalugit aamma periutsinik nutaanik, suliniutinik suleriaatsinillu ineriartortitsinissamik taakkorpiat pisariaqartitaannut ajornartorsiutaannullu naleqqussakkanik.

Kommuneqarfik Sermersooq kommunitut nammineernerunissamik misileraanissamut kissaatinik arfinilinnik 2021-mi novembarimi Naalakkersuisuni Nunamut namminermut immikkoortoqarfimmut nassiussaqarpoq (taakkunanit siunnersuutit 3, 5 aamma 6 toqqaannartumik Tununut tunngassuteqarput):

1. *Pisariinnerusumik innuttaasumullu samminerusumik nakkutilliisarnerup akuttoqatigiissinnissaa*
2. *Suliffissaqartitsiniutini sakkussaqaqarnerunissaq*
3. *Kommuneqarfik Sermersuup kangianiittuini innuttaasut akissarsiaat*
4. *Meeqqerivinni kommunit ingerlassaanni sulisut amerlassusissaat*
5. *Suliffeqarfiit suliffeqalernissamut sungiusarfiusut*
6. *Heimablídni Tunumi*

Siunnersuutit taakkua arfinillit Kommuneqarfik Sermersuumit nassiunneqarmatali Naalakkersuisuni Nunamut namminermut immikkoortoqarfiup unitsikkallarpai, taamaattumillu taakkua atortuulersinneqarsimangillat. Kommuneqarfik Sermersuup kaammattuineratigut Nunamut namminermut immikkoortoqarfik 2023-mi maajimi ammaasseqqippoq, tassa kommunit tamarmik kommunitut nammineernerunissamik misileraanermi kissaatitik ukiap ingerlanerani nassiussinnaagaat innersuussutigalugu siusinnerusukkut siunnersuutigineqarsimasut saqqummiuteqqinneqassasut.

Nunamut namminermut immikkoortoqarfiup siusinnerusukkut kommunitut nammineernerunissamik misileraanissamat siunnersuutaasimasut ilaatinneqassanngitsut innersuussutigivaa, taamaalilluni taakku nassiteqqinneqarsinnaapput, aamma suliareqqinneqarsinnaapput nutaanik siunnersuuteqarpat taakku ilanngunneqarsinnaallutik.

Taamaattumik kommunitut nammineernerunissamik misileraanerup aallarteqqinneqarnissaani najukkani ilinniarsimallutik sulisunik aamma Kommuneqarfik Sermersuumi sulisunik taamatullu peqatigiiffinnik, suliniaqatigiiffinnik, namminersorlutik inuussutissarsiuteqartunik allanillu soqutigisaqatigiinnik akuutitsinissaq aallartinneqassasooq Kommuneqarfik Sermersuumit innersuussutigineqarpoq. Akuutitsinikkut qulakkeerneqassasooq siunnersuutit siusinnerusukkut kommunitut nammineernerunissamik misileraanerup aaqqissorneqarnissaanut nassiunneqartut suli attuumassuteqarnissaat kiisalu immikkoortunik, kommunitut nammineernerunissamik misileraaffissatut aaqqissuussiffiqarsinnaasunik naleqquttunik siunnersuutissat paasiniarneqarnissaat.

Ilanngullugu innuttaasut suliami kingusinnerusukkut akuutilersinneqarnissaat innersuussutigineqarpoq, allaffeqarfiup immikkoortut kommunitut nammineernerunermik misileraaffiusinnaasut erseqqinnerusumik siunnersuuteqarfigisinnaanngorpagit, taakkulu innuttaasunut akuutitsinerup ingerlanneqarnerani saqqummiunneqarnerannut atatillugu. Tamanna, kommunitut nammineernerunissamik misileraalluni aaqqissuussinermi inatsisitigut suliutigullu ajornakusoortuuneranik pissuteqarpoq, innuttaasut suliami siusinnerusukkut aaqqissuussamik peqataatinneqarsinnaannginnerat naatsorsuutigineqanngimmat.

Ingerlatsivimmit aningaasatigut sulisoqarnikkullu naliliinerit

Sulianik attuumassuteqartunik akuutitsilerniarneq aningaasatigut kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Kommunalbestyrelsen illoq 29. novembari 2022-mi aalajangiinera, Kommuneqarfik Sermersuup iluani Tasiilami kommunitut nammineernerunissamik aaqqissuussap pilersinneqarnissaa pillugu Tasiilami najugaqartut akornanni tusarniaanissamat Siunnersuut

Ilanngussat

1. Kommuneqarfik Sermersooq kommunitut nammineernerunissamik misileraaneq (nassuiaanerit)

Punkt 6: ESANI-mi ileqquusumik ataatsimeersuarneq 2023

Beslutning

Inassuteqaat akuersissutigineqarpoq.

Bilag

ESANI-p ukiumoortumik naatsorsuutai 2022-meersut



ESANI-mi ileqquusumik ataatsimeersuarneq 2023

Aalajangiiffigisassaq

SagsID.: EMN-2023-02399

Suliffeqarfimmut Kiffartuussivik - kommunaldirektøri Ole Jakobsen / OJAK

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Suliffeqarfimmut Kiffartuussiviup aamma Sanarfinermut Avatangiisinullu Ingerlatsiviup

Aningaasaqarnermut Inuussutissarsiornermullu Ataatsimiititamut inassuteqaatigaa:

- ESANI-p 2022-mut ukiumoortumut nalunaarusiaa kingornalu ataatsimeersuarnissaa akuersissutigineqassasoq

Suliassamik saqqummiussineq

Kommuneqarfik Sermersuumi ingerlatseqatigiiffinnut piginnittuunermut periaasissaq innersuussutigalugu ingerlatseqatigiiffiit kommunimit pigineqartut pillugit piginnittut akisussaaffik Aningaasaqarnermut Inuussutissarsiornermullu Ataatsimiitamiippoq, tassungalu ilanngullugu, ingerlatsivimmit inassuteqaat tunngavigalugu ingerlatseqatigiiffinnut siulersuisunut ilaasortanik toqqaanissamut piginnaatitsissut. Aningaasaqarnermut Inuussutissarsiornermullu Ataatsimiititap ulloq 7. juuli 2021 Sanarfinermut Avatangiisinullu Ingerlatsivimmi sukkulluunniit pisortaasoq ESANI-mi siulersuisunut ilaasortaasassasoq tunngaviumik aalajangerpaa. Taamaalilluni juunimi 2023-mi ileqquusimik ataatsimeersuarnermi, juunimi ingerlanneqartumi, Søren Pedersen Kommuneqarfik Sermersuumit siulersuisunut ilaasortassatut toqparneqarpoq.

Ukiumoortumut inernerit tassaapput sinneqartoortit 127.883 koorunit, tamannalu aqutisunut naammaginatutut nalilerneqarpoq. Ukiumoortumut sulianut tunngatillugu ESANI suli nalinginnaasumik ingerlatsinera aallartinngilaq. Ingerlatseqatigiiffiup pingaarnertut suliassaraa, Nuummi Sisimiunilu, ikuallaaviit marluk pilersinneqarnissaat ingerlanneqarnissaallu. Tamatuma saniatigut ingerlatseqatigiiffiup uuliakunut ikuallaanermut aaqqiissuteqarnissamik qulakkeerinnissaaq. Qaqortumi Maniitsumilu uuliakut ikuallanneqartarnissaat naatsorsuutigineqarpoq. Pingaarnertut suliassat saniatigut ingerlatsileqatigiiffiup eqqakkanik assartuunermut tunngasunik suliniuteqarpoq, tassunga tunngatillugu ESANI "eqqakkat pillugit angalaarpoq", tassani kommunit piginnittut tamarmik eqqakkanik poortukkanik tunniussinissaminnik periarfissaqarlutik. "Eqqakkat pillugit angalaarpoq" ESANI-p kommuninilu tigooraaviit akornanni suleqatigiinnermut ilinniutaalluarpoq, 2023-milu suliap nanginnissaa naatsorsuutigineqarpoq.

Saniatigut ingerlatseqatigiiffiup, Dansk Retursystem suleqatigalugu, utertitsisarnermut periusissiamik ineriartortitsivoq, tamannalu pillugu Tasiilami misiligummik ingerlatsisoqarpoq. Misiligutit suliniutit nutaat 2023-mi ingerlanneqarnissaat naatsorsuutigineqarpoq. Suliniut Namminersorlutik Oqartussani Avatangiisinut Naalakkersuisoqarfimmit tapersorsorneqarlunilu aningaasaliiffigineqarpoq. Naggasiutigalugu ingerlatseqatigiiffik Nuummi, tigooraavilimmi ikuallaavilimilu, Kommuneqarfik Sermersuup Eqqagassaleriffianit aqunneqarpoq. Kommunimik ingerlatsinermut isumaqatigiissuteqartoqarpoq, tamannalu ulloq 18. aggusti 2022-mi Aningaasaqarnermut Inuussutissarsiornermullu Ataatsimiititamit akuersissutigineqarpoq.

Ikuallaaviliornerit pilersaarutit malillugit ingerlapput, Nuummilu ikuallaavik 2024-mi marsip qaammataani atuutilersinneqarnissaa naatsorsuutigineqarpoq. Sanaartornerup siuariartornera



ingerlatseqatigiiffiup pigisaanik annertusineranit takuneqarsinnaavoq, tassa 2022-mi 191 millionit missaanniipput, 2021-mi 47 millionit missaanniillutik, tassanilu piginnittunit aningaasaliissutit 2022-mi 50 mio. koruunit, 2023-mi akilerneqartut ilanngunneqarput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ingerlatseqatigiiffiit pillugit inatsit
- Ukiumoortumik naatsorsuutit pillugit inatsit
- Kommuneqarfik Sermersuup piginnittuuneq pillugu periusissiaa

Ilanngussat

1. ESANI-p ukiumoortumik naatsorsuutai 2022-meersut

Punkt 7: 2024-mut Missingersuusiornermut malittarisassat

Beslutning

Inassuteqaat akuersissutigineqarpoq.

Bilag

2024-mut Missingersuusiornermut malittarisassat

2024-mut missingersuusiornermut periusissiatut piffissaliussaq

2024-mut Missingersuusiornermut malittarisassat

Aalajangiiffigisassaq

SagsID.: EMN-2023-02473

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassutigineqarpoq:

- 2024-mut missingersuusiornissamut missingersuusiornermut malittarisassat akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasq.

Suliassamik saqqummiussineq

Kommunip Ingerlatsinermit Aningaasaqarnermullu Aqutsinermit Najoqqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut malittarisassanik saqqummiussiffigineqassasq, ukiumi tulluuttumi missingersuutit suliarineranni aningaasaliissutigineqartussanik aalajangersaaffiusumik.

2024-mut missingersuutit suliarineqarnissaannut missingersuusiornissamut malittarisassat matumuuna Aningaasaqarnermut Inuussutissarsiornermullu Ataatsimiititamut akuersissutigineqarnissaannut saqqummiunneqarput.

Aammattaaq missingersuusiortarneq pillugu malittarisassani missingersuusiortuarnissaq qulakkeerniarlugu politikikkut piffissaliussamik siunnersuummik saqqummiussisoqarpoq. Taamaattumik piffissami juunimiit novembarimut missingersuutit peqqissaarullugit politikerinit suliarineqarnissaat piffissaqarfigilluarnissaa pingaartinneqarpoq.

Ingerlatsivimmit aningaasatigut sulisoqarnikkullu naliliinerit

2024-mut missingersuusiornermut atatillugu suliassat pingaarnertut kommunip nammineq sulisuinit suliarineqassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup missingersuusiornissamut maleruaqqusat tamakkiisutut isigai.

Taamaattumillu inngersuussutigalugu maleruaqqusat akuersissutigineqassasut, akuersissutigisassanngorlugillu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaatiillit

- o Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- o Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- o Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanngineq, nammineq aningaasaatinik naleqqusaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

- Kommuneqarfik Sermersuumi Kommunalbestyrelsimi Aqutsinermi Ileqqoreqqusaq
- Kommuneqarfik Sermersuumut piginnaatitsinermik agguataarinissamut pilersaarut
- Ingerlatsinermit Aningaasaqarnermillu Aqutsinermit Najoqqutassiaq Aningaasaqarnermillu aqutsineq

Ilanngussat

1. 2024-mut Missingersuusiornermut malittarisassat
2. 2024-mut missingersuusiornermut periusissiatut piffissaliussaq

Punkt 8: Kommunip ingerlatseqatigiiffiini ataatsimeersuarneq 2023

Beslutning

Inassuteqaatini siulleq akuersissutigineqarpoq.

Inassuteqaatit aappaannut Christine Tønnesen aamma Aviaja Lyberth Lennert Nuup Bussiini siulersuisunut ilaasortassatut toqqarneqarput.

Inassuteqaatit pingajuannut Aviaja Lyberth Lennert Nuup Bussiinut siulittaasussatut toqqarneqarpoq.

Inassuteqaatit sisamaat akuersissutigineqarpoq, imatut ilassuteqaatitalerlugu: Iseritsimut ukiumoortumik nalunaarusiaq 2022 aamma akuersissutigineqarpoq.

Inassuteqaatit tallimaat akuersissutigineqarpoq.

Bilag

Siulersuisunut ilaasortassatut piukkunnartunik innersuussineq 2023

Ukiumoortumik nalunaarusiaq Nuup Bussii

Ukiumoortumik nalunaarusiaq Iserit A/S



Kommunip ingerlatseqatigiiffiini ataatsimeersuarneq 2023

Kommunip ingerlatseqatigiiffiini siulersuisunut ilaasortat killiffii ilaasortassatullu innersuussutit

Aalajangiiffigisassaq

SagsID.: EMN-2023-01874

Suliffeqarfimmu Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmu Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- Ingerlatseqatigiiffiit Nuup Bussii A/S aamma Iserit A/S ileqquumik ataatsimeersuarnissaat akuersissutigineqassasoq
- Kommunip ingerlatseqatigiiffiini siulersuisuni ilaasortassatut innersuunneqartuniit marlunnik toqqaassasoq, innersuussutigalugu ilanngussaq 2; ”kommunip ingerlatseqatigiiffiini ilaasortassanik innersuussineq 2023”
- Nuup Bussii A/S-imi siulersuisuni siulittaasumik nutaamik toqqaassasoq, innersuussutigalugu ”Kommunip Ingerlatseqatigiiffiini ilaasortassanik innersuussineq 2023”
- Nuup Bussiini ukiumoortumik nalunaarussiaq 2022 akuersissutigineqassasoq (ilanngussaq 3)
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuumi ingerlatseqatigiiffinnut piginnittuunermut periaasissaq innersuussutigalugu ingerlatseqatigiiffiit kommunimit pigineqartut pillugit piginnittut akisussaaffik Aningaasaqarnermut Inuussutissarsiornermullu Ataatsimiititamiippoq, tassungalu ilanngullugu, ingerlatsivimmit inassuteqaat tunngavigalugu ingerlatseqatigiiffinnut siulersuisunut ilaasortanik toqqaanissamut piginnaatitsissut.

Siulersuisuni ilaasortanik toqqaaneq

Kommunip ingerlatseqatigiiffiini siulersuisuni ilaasortat ukiumi ataatsimi ilaasortassatut toqqaarneqartarput, siulittaasoq ataatsimeersuarnermi toqqaarneqassaaq.

Nuup Bussiisa malittarisassaanni § 5 aammalu § 10 naapertorlugit, siulersuisuni siulittaasoq ileqquumik ataatsimeersuarnermi qinerneqassaaq.

Kommuneqarfik Sermersuup kisimiilluni piginnittuunera pissutigalugu taasisinnaatitaaneq borgmesterimit ingerlanneqassaaq kommunalbestyrelsimit piginnaatitsissuteqarluni imaluunniit borgmesterimit inummit piginnaatinneqartumit, piginneqataasariaqanngitsumit.

Nuup Bussii A/S

Nuup Bussiini siulersuisunut ilaasortat nutaat marluk akuersissutigisassanngorlugit inassuteqaatigineqassapput. Tamanna Mads-Daniel Skifte Kommuneqarfik Sermersuumi atorfininnini pillugu siulersuisunit tunuartariaqarnerani pivoq, Kommunimi ingerlatseqatigiiffinnut Akulerunnaveersaarnissamut tunngaviup qulakkeernissaanut pilersaarut innersuussutigalugu. Tamatuma saniatigut maannakkut siulittaasuusoq Tina Lynge Schmidt siulersuisuniit tunuarniarluni nalunaarpoq. Matuma siuliini pissutsit pillugit siulersuisuni ilaasortanik nutaanik toqqaasoqartariaqassaaq, tassanilu aamma Nuup Bussiini siulersuisuni siulittaasumik nutaamik



toqqaasoqartariaqassalluni.

Nuup Bussiini namminneq sulisuni sinniisussamik nutaamik toqqaanikuupput. Svend Berthelsen - ukiuni 25-ni bussertitsisooreerluni pensionertussanngormat - taarserlugu Samuel Reimer toqqarneqarpoq.

Iserit A/S

Iserit A/S-imi siulersuisut siulersuisuni ilaasortat allannguuteqartinneqannginnissaat allaffeqarfimmut innersuussutigaat. Iserit NCD-lu kattuteqqammerput. Kattussineq 2023-mi maajip ulluisa 15-ianni immikkut ittumik ataatsimeersuarnermi naammassineqaraluartoq kattussinermut atatillugu immikkoortut atuutilersinneqartussat arlallit sulii amigaatineqarput.

Ataatsimeersuarnernik ingerlatsinerit

Ingerlatsivimmiit siunnersuutigineqarpoq, kommunimi ingerlatseqatigiiffiit Iserit A/S aamma Nuup Bussii ataatsimeersuarnissaat 2023-mi juulimi pissasut.

Ingerlatseqatigiiffiit 2022-mi suliaat pillugit nassuiaat

Ingerlatseqatigiiffiit 2022-mi angusaat naammaginartutut Ingerlatsivimmit nalilerneqarput. Nuup Bussii 2021-mi amigartooruteqarnermut sanilliullugu 673.000 koruuninik sinneqartooruteqarput. Iserit 2022-mi Nuuk City Development A/S-ilu kattupput. Tamanna 2022-mi Iseritip naatsorsuutaanut suliaanullu sunniuteqarpoq. Tamanna pillugu ulloq tunniussiffissaq nallertinnagu ukiumoortumik naatsorsuutit Iseritimit nassiunneqarsinnaasimangillat. Naatsorsuutit kingorna akuerineqarnissaat naatsorsuutigineqarpoq.

Nuup Bussii aamma Iserit A/S iluanaarutininik tunniussineq ajorput, taamaalilluni kommunip kissaataa malinneqarpoq, tassa ingerlatseqatigiiffiit kommunip suliaasaannik naammassinninnissaat iluanaaruteqarnissamit pingaarnerutinneqarmat.

Ingerlatsivimmiit aningaasatigut sulisoqarnikkullu naliliinerit

Ingerlatseqatigiiffiit 2022-mi suliaat pillugit nassuiaat takuuk.

Suliffeqarfimmut Kiffartuussivimmiit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuup "Piginnittuunermut Periaasissaq".
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq.
- Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa Kalaallit Nunaannut atuutilernissaannut peqqussut nr. 2624, 28. december 2021-meersoq.

Ilanngussat

1. Siulersuisunut ilaasortassatut piukkunnartunik innersuussineq 2023
2. Siulersuisutut ilaasortassatut piukkunnartut nutaat pillugit takussutissaq 2023
3. Ukiumoortumik nalunaarussiaq Nuup Bussii
4. Ukiumoortumik nalunaarussiaq Iserit A/S

Punkt 9: Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerannut nalunaarusiaq

Beslutning

Inassuteqaat akuersissutigineqarpoq.

Bilag

Angalaneq pillugu nalunaarusiaq

Sanarfinermut Avatangiisinullu Ingerlatsivimmit saqqummiussineq

Saqqummiussaq A ANORI A/S-imiit

Saqqummiussaq B ANORI A/S-imiit

Imarsiortut attaveqatigiittarfianit saqqummiussaq

Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerannut nalunaarussiaq

Nuuk, Kapisillit Qeqertarsuatsiaallu, 2023

Aalajangiiffigisassaq

SagsID: EMN-2023-02114

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassutigineqarpoq:

- angalanermit nalunaarussiaq akuersissutigineqassasoq
- suliaq Sanarfinermut Avatangiisinullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititaq aamma Sanarfinermut

Avatangiisinullu Ataatsimiititaq ulluni 15. - 17. maaji 2023-mi ataatsimoorlutik Nuummi, Kapisilinni aamma Qeqertarsuatsiaani angalapput.

Ataatsimiititat angalaneranni siunertarineqarpoq, Nuummi illoqarfiup ineriartortinneqarnissaanut pilersaarutit assigiinngitsut pilersaarutaasut aallartinneqartullu paasisaqarfiginissaat aamma Kapisilinni Qeqertarsuatsiaani namminneq nunaqarfimmini ineriartortitassanik isumassarsiaannik tusarniaanissaq.

Aningaasaqarnermut Inuussutissarsiornermullu Ataatsimiititamit peqataapput Borgmesteri Avaaraq Olsen (siulittaasoq), Juaaka Lyberth (ilaasorta), Uju Petersen (ilaasorta), Justus Hansen (ilaasorta), Dorthe-Marie Mogensen-Fontain (ilaasorta) aamma Inga Dóra G. Markussen (ilaasorta).

Sanarfinermut Avatangiisinullu Ataatsimiititamit Pele Broberg (siulittaasoq), Uju Petersen (ilaasorta), Naya Sophia Pedersen Lyberth (ilaasorta) Lone Rosengreen Pedersen (ilaasorta), Justus Hansen (ilaasorta) aamma Peter Davidsen (ilaasorta) peqataapput.

Allaffeqarfimmit aamma peqataapput Ole Jakobsen (kommunaldirektøri), Marie Fleischer (vicekommunaldirektøri), Asmus Jessen Rubæk (Sanarfinermut Avatangiisinullu Ingerlatsivimmi pisortaagallartoq), Runa Sværd (pilersaarusiornermut oqartussaaffeqarnermullu pisorta), Mads-Daniel Skifte (inuussutissarsiornermut pisorta), Kaare Winther Hansen (siunnersortaaneq), Agnes Olsen (aalisarnermut ingerlatsinermullu aqutsisoq), Anna Rún Ólafsdóttir (ataatsimiititami ataqatigiissaarisoq), Malene Sahlertz (immikkut siunnersorti), Sara Nissen (destination manager), Nikolaj Olsvig (oqalutsi) aamma Sofia Rotovnik (attaveqatigiinnermi sulioq)

Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerminni ilikkakkatik aamma paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2022-mi ataatsimiititat angalanissaannut katillugit 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ataatsimiititap suleriaasia

Ilanngussat

1. Angalaneq pillugu nalunaarussiaq
2. Sanarfinermut Avatangiisinullu Ingerlatsivimmit saqqummiussineq
3. Saqqummiussaq A ANORI A/S-imiit
4. Saqqummiussaq B ANORI A/S-imiit
5. Imarsiortut attaveqatigiittarfianit saqqummiussaq

Punkt 10: Misiligutaasumik Majoriami immikkoortukkuutaartumik atuartitsineq

Beslutning

Inassuteqaat akuersissutigineqarpoq.

Bilag

Suliniuummut nassuiaat

Skemassatut siunnersuut, missingersuutit atortullu allat

Naalackersuisoqarfimmiit neriorsuineq

Misiligutaasumik Majoriami immikkoortukkuutaartumik atuartitsineq

Aalajangiiffigisassaq

SagsID.: EMN-2023-01327

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- misiligutaasumik suliniut akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersooq ukiut tamaasa kommunimi tamarmi inuusuttut Majoriaq aqputigalugu meeqqat atuarianni soraarummeerutaasumik misilitsinnermut (FA-mik) pikkorissaqqinnernik aallartitsisarpoq. Taamaatut ingerlatsisoqartaraluartoq ukiuniu kingullerni FA-mi atuartut atuartiinnarniartarnerat assut ajornartorsiutaasarsimavoq. Atuartut amerlasuut inuttut annertuumik ajornartosiuteqartarput, tamannalu assigiissaakkamik pikkorissaqqinnermut kajumissuseerutsitsisarpoq.

Suliffeqarnermut Isumaginninnermullu Ingerlatsiviup nalilerpaa, FA-mi atuartut akornanni atuarunnaartartut taamatut amerlatiginerannut ilaatigut atuartitsinerup ilusaa aamma atuartut ataasiakkaat neqeroorummi ikiorneqartannginnerat pissutaasoq. Tamanna Suliffeqarnermut Isumaginninnermullu Ingerlatsivimmut, Namminersorlutik Oqartussat kommunillu allat suleqatigalugit, misiligutaasumik suliniummik aallartitsinialernerup pissutissaqartitsilerpoq, tassa pikkorissaqqinnermi periutsinik nutaanik ilinniarnepup ingerlatiinnarnissaanut piomassuseqarnerulersitsisut eqqarsaatigalugit.

Taamatut siunnersuuteqarnikkut Majoriaq Nuuk misiligutaasumik FA immikkoortukkuutaarlugu ingerlatsiniarpoq ukiumi atuariusumi 2023-mi aamma 2024-mi, qangatut FA-mik ingerlatsisarnermut taarsiullugu. Tassa imaappoq, Majoriaq Nuuk misiligutaasumik suliniutitup ingerlanerani qangatut FA-mik ingerlatsinermik neqerooruteqassanngilaq FA-milu atuartitsineq tamarmi immikkoortukkuutaarlugu ingerlanneqassaaq. Taamatut misiligutaasumik aaqqiilluni isumaqatigiissuteqarneq taamaallaat Nuummi pissaaq. Misiligutaasumik aaqqiinnerup siunertarivaa atuartitsinerup atuartunut ataasiakkaanut naleqqussarneqarnerunissaa. Suliniut Namminersorlutik Oqartussat suleqatigalugit aaqqissorneqarpoq, taakkulu inatsisit iluanni pinissaa akuerivaat.

Misiligutaasumik suliniut atuartitsinerup siunertaanik allannguinaviangilaq, aamma suli FA-mik soraarummeersitsineq aasat tamaasa neqeroorutigineqartassaaq, ilinniartitseriaaserliuna iluarsiniarneqartoq atuartut ataasiakkaat ikiorserniarlugit aamma atuartitsinerup piomassuseqartikkumallugit. Suliniut erseqqinnerusumik ilanngussaq 1-imi nassuarneqarpoq.

Suliniut Suliffeqarnermut Isumaginninnermullu Ingerlatsivimmit nalilersorneqartuassaaq. Misiligutaasumik suliniut paasinarsippat kinguneqarluartoq taava FA-mik ingerlatsinerit immikkoortukkuutaarlugit nunatsinni Majoriaqarfiusuni ukiuni aggersuni atuutsikkiartuaartinneqassasoq naatsorsutigineqassaaq.

Misiligutaasumik suliniut inatsisit iluini taakkunungalu killiliussat tunngavigalugit ingerlanneqassaaq, Majoriap FA-mik atuartitsineranut tunngasut aamma atuartitsinerup pilersaarutit Majoriamit malinneqartut allanngortinneqassanngillat.

Ingerlatsivimmit aningaasatigut sulisoqarnikkullu naliliinerit

Misiligutaasumik suliniut Kommuneqarfik Sermersuumit aamma Namminersorlutik Oqartussanit suleqatigiissutigalugu akilerneqarpoq. Suliffeqarnermut Isumaginninnermullu Ingerlatsiviup nalilerpaa aningaasartuutit missingersuutaareersut iluini akilerneqarsinnaasut.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiit

- Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 2, 9. januar 2009-meersoq
- Majorianik ingerlatsinermi angusat pillugit Namminersorlutik Oqartussat aamma Kommuneqarfik Sermersuup akornanni isumaqatigiissut

Siusinnerusukkut aalajangiinerit

Suliffeqarnermut Isumaginninnermullu Ataatsimiititaq, 08.05.23:

Inassuteqaat akuersissutigineqarpoq.

Ilanngussat

1. Suliniummut nassuiaat
2. Skemassatut siunnersuut, missingersuutit atortullu allat
3. Naalackersuisoqarfimmiit neriorsuineq

Punkt 11: 2023-mut suliat pitsaassusissaata allaaserineqarnerisa nalimmassarneri

Beslutning

Inassuteqaat amerlanerussuteqartunit (IA, N aamma D) akuersissutigineqarpoq.

Inassuteqaat ikinnerussuteqartunit (S) itigartitsissutigineqarpoq. Siumumit ikinnerussuteqartut oqaaseqaat: Inassutigineqartoq akuerinngilarput, ersersinneqanngimmat neqeroorfigineqartut naaggaartunut qanoq kinguneqarsinnaanera ersernerlummat.

Bilag

Unnuisarfimmik ingerlatsineq

Angerlarsimaffeqanngitsunut inissiat katitertakkt atorineqarneri pillugit ilisimatitsissut

Suliat pitsaassusaat pillugu allaaserinerat Oqilisaanissamik neqeroorutit



2023-mut suliat pitsaassusissaata allaaserineqarnerisa nalimmassarneri

Angerlarsimaffeqangitsut unnuisarfiani kiisalu oqilisaassinermik neqeroorutiniq sullissinerup pitsaassusaata nutarterneri

Aalajangiiffigisassaq

SagsID.: EMN-2023-00185

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- angerlarsimaffeqangitsut unnuisarfiani suliat pitsaassusissaata allaaserineqarnerisa nutarternera kiisalu oqilisaanermik neqeroorutiniq suliat allaaserineqarneriniq nutaamik ilanngussineq akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasooq

Suliassamik saqqummiussineq

2023-mut suliat pitsaassusissaata allaaserineqarneri atuuttoq Kommunalbestyrelsemit 29. november 2022-mi akuersissutigineqarpoq. Suliat pitsaassusissaata allaaserineqarneri nutarterneqartarput politikikkullu ukiut tamaasa akuersissutigineqartarlutik. Ukiut tamaasa nutarterinerup qulakkeertarpaa suliat pitsaassusissaata allaaserineqarneri kommunip neqeroorutaanut naleqquttuunissaat, inatsimmut atuuttumut kiisalu politikikkut anguniakkanut naleqqutsillugit.

Suliat pitsaassusissaata allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutisillutillu assigiissarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

Angerlarsimaffeqangitsut unnuisarfianut suliat pitsaassusissaata allaaserineri

Suliffeqarnermut Isumaginninnermullu Ataatsimiititamat 21. februar 2023-mi

Angerlarsimaffeqangitsunut inissiat katitertakkat atorneqarneri pillugit ilisimatitsissut malillugu suliat pitsaassusissaata allaaserineqarnerisa nutarternissaat inassutigineqarpoq (takuum ilanngussaq). Sulianik pitsaassusissamik allaaserinninnermi oqaaseqatigiit uku ilanngunneqarput "*Innuttaasut piumasaqaatinik naammassinnittut aammalu inissianut katitertakkanut inissamik tunineqarsimasut, angerlarsimaffeqangitsut unnuisarfianik atuisinnaanngillat.*" Allanguut aaqiissutissatut siunnersuutaavoq, tassuunakkut qulakkeerniarneqarluni sapinngisamik amerlanerpaat angerlarsimaffeqangitsut unnuisarfianik inissianillu katitertakkanik atuisut amerlanerpaanut iluaqutaanissaat kiisalu angerlarsimaffeqangitsut namminneq initaavinnissaannut aqutissiuussissalluni.

Inissiat katitertakkat initaannut inuttaliinissaq maanna unammillernartoqarpoq. Maanna inissanit 24-usunit 10-t atorneqanngillat. Ineqartut arlallit inimut akileerusunneq ajorput, naak aningaasaqarnermikkut, tarnikkut atukkatigut isumaginninnikkullu eqqarsaatigalugit tamanna naammassisinnaagaluarlugu. Taamaattoqarpoq naak attassiinnarnissamik suliniuteqartaraluartoq soorlu naafferartumik akilersuisinnaanerit kiisalu najugaqartunut oqaloqatiginnittarnerit atuukkaluartut. Angerlarsimaffeqangitsut unnuisarfianik atuisut arlallit inissianut katitertakkanut nuunnissaannut piumasaqaatinik naammassinnittut inissianut katitertakkanut taakkununga inissinneqarnissaannut neqeroorfineqarsimapput. Angerlarsimaffeqangitsunullu unnuisarfimmik



atuisut arlallit inimut akileerusunngillat angerlarsimaffeqanngitsullu unnuisarfiani najugaqarusunnerullutik. Taamaammat unnukkut unnuiffissaminnik atorfissaqartitsilluinnartunut allanut inangiipput. Taamaammat sulianik pitsaassutsimik allaaserinninnerit nutarterneqassapput, taamaalilluni angerlarsimaffeqanngitsut unnuisarfianik atuisinnaaneq atorunnaassalluni inissianik katitertakkanut ineqarnissamut neqeroorfigineqartut neqeroorummik qujaannarpata.

Oqilisaanermik neqeroorutininik sulianik pitsaassutsimik allaaserinninneq

Inuit innarluutillit tapersersorneqarnissaannut, Inatsisartut inatsisaat nr 13, 12 juni 2019-imeersoq § 41 naapertorlugu kommune neqerooruteqartussaavoq inunnt innarluutilinnut ilaqutaasunut oqilisaanissamik pisariaqartitsigallartunut isumaginninnerannut tunngatillugu.

2023-mut missingersuutit pillugit isumaqatigiissummi aningaasanik illikartitsisoqarpoq sammisassaqartitsivimmi Kammagiinni inunnt innarluutilinnut oqilisaanissamut neqeroorutininik pilersitsinissamut atorneqartussanik. Oqilisaanissamik neqeroorutip siunertaraa utoqqaat ilaqutaalu oqilisaanissaat innuttaasunik innarluutilinnik isumaginninneranut atatillugu taakku isumaginninnerat ingerlatiinnarsinnaaqqullugu. Innuttaasut 18-66-inik ukiullit innarluutillit ataasiartumik imaluunniit utikattumik oqilisaakkallarneqarnissaannik neqeroorfigineqarsinnaapput. Oqilisaanissamik neqeroorut pilersinneqarpoq 2023-milu upernaakkut atorneqalerluni. Oqilisaanissamut neqeroorummik Suliffeqarnermut Isumaginninnermullu Ingerlatsivik taamaammat sulianut pitsaassutsinik allaaserinnippoq, taannalu 2023-mut sulianik pitsaassutsinik allaaserinninnermut atuuttumut ilanngunneqassalluni.

Ingerlatsivimmit aningaasatigut sulisoqarnikkullu naliliinerit

Oqilisaanissamik neqeroorut ukiumut ingerlatsinissamut aningaasartuutit 3 mio. kr. missaanniipput missingersuutininut isumaqatigiissuteqartoqarneranut atatillugu tunniunneqarsimallutik.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuup 2023-mi suli at pitsaassusissaat pillugu allaaserineqarneri
- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi § 41
- Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa
- Angerlarsimaffeqanngitsuuneq pillugu Naalakkersuisut periusissiatut pilersaarutaat

Siusinnerusukku aalajangiinerit

Suliffeqarnermut Isumaginninnermullu Ataatsimiititaq, 08.05.23:

Inassuteqaat akuersissutigineqarpoq.

Ilanngussat

1. Unnuisarfimmik ingerlatsineq
2. Angerlarsimaffeqanngitsunut inissiat katitertakkat atorneqarneri pillugit ilisimatitsissut
3. Suli at pitsaassusissaat pillugu allaaserinerat Oqilisaanissamik neqeroorutit

Punkt 12: Kommunitut pilersaarummut tapiliussap 1A3-3 Jens Kreutzmannip Aqqutaa aamma Saqqarliit, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 1A3-3, Jens Kreutzmannip Aqqutaa aamma Saqqarliit, Nuuk

Kommunimut pilersaarummut tapiliussap 1A3-3 Jens Kreutzmannip Aqputaa aamma Saqqarliit, Nuuk inaarutaasumik akuersissutigineqarnera

Aalajangiiffigisassaq

SagsID: EMN-2022-09679

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussaq 1A3-3 Jens Kreutzmannip Aqputaa aamma Saqqarliit, Nuuk, akuersissutigineqassasoq
- immikkut akuersissummik qinnuteqaqqaanngikkaluarluni fibercementit qalipaasersoriikkat atorpeqarsinnaanissaat periarfissaalersinneqanissaa akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna 1A13-23 Jens Kreutzmannip Aqputaa aamma Saqqarliit saqqummiuppaa.

Kommunimut pilersaarummut tapiliussaq siunnersuutitut sapaatip-akunnerini arfinilinni tamanut tusarniaassutigineqarpoq, piffissami marsip ulluisa 30-anit maajip ulluisa 25-iata 2023-p tungaanut. Tusarniaanermut killiliussap iluani akissutit 6 tiguneqarput. Taakku annikitsunik oqaasertaatigut aaqqiissuteqartitsissapput. Biilinut uninngatitsivissamut nunaminertassamik nuussineq allannguutit ilagaat.

Immikkoortup ilaa 1A3 Nuup qeqqaniippoq Qapiarfiusaap aamma Dronning Ingridip Napparsimmavissuata (SANA)-p akornanniilluni 12 ha.-llu miss. annertutigaaq.

Kommunimut pilersaarummut tapiliussaq 1A3-3 suliarineqarpoq, immikkoortumi ullutsinnut naleqquttunik aalajangersagaliornissaq siunertarlugu, taamaalilluni ineqarfissatut pilergineqartuaannarniassamat. Tassunga atatillugu kommune inissiaqarfiup sanaartorfigineqanngitsortaa pillugu, pitsaaqutaalu pillugit tamakkiisumik nalilersuivoq, inissiat qanoq ilillutik allilerneqarsinnaanersut siunissamullu qulakkeerneqarsinnaanersut, sumiiffimmi illuliortaaseq immikkullu ilisarnaatai atatiinnarlugit.

Kommunimut pilersaarummut tapiliussassatut siunnersuummi immikkoortup nunap assingani killilersugaanera annertusineqarpoq aamma immikkoortup ilai 1C8-p aamma 1D3-p ilaat ilanngunneqarlutik. Pilersaarusiortuup pingaarnertut atuuffia inissiaqarfittut attatiinnarneqassaaq.

Immikkuualuttut marluk atugassiissutigineqarput. Immikkuualuttoq A siammasissunik pukkitsunik inissianik sanaartorfissatut atugassiissutigineqarput, quleriit 1,5-it tikillugit, annerpaamik tunngaviup nunaminertarissavaa 120 m². Ungasissusissamut piumasaqaat tunngavigalugu inissiat tamarmik tunngaviup nunaminertaata annerpaaffissaannut allilerneqarnissaat periarfissaqanngillat. Immikkuualuttoq B akulikitsunik pukkitsunik inissianik sanaartorfissatut atugassiissutigineqarput, quleriit 2,5-it tikillugit, Immikkuualuttoq B-mi illut uiguleriit tallimaanit pingasut isatereerput uiguleriillu kingulliit marluk isatereqarnissaannut pilersaarutaareerlutik. Kommunimut pilersaarummut tapiliussami maanna siusinnerusukkulluunniit uiguleriit inissiat inissisimaffianni nutaanik sanaartorfissanik atugassiisoqarpoq. Uiguleriinnik nutaanik sanaartornermi

aalajangersakkat tunngavigalugit eqqaaniittunut illunut sanaartorfinnut tulluartaunissaat qulakkeerneqassaaq.

Matumani Kommunimut pilersaarummut tapiliussassatut siunnersuutip 1A3-3-p akuersissutigineqarneratigut 1A3-2 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 01.06.23:

Inassuteqaat akuersissutigineqarpoq, ima allannguutitalerlugu: Immikkut akuersissummik qinnuteqaqaanngikkaluarluni fibercementit qalipaasersoriikkat atorneqarsinnaanissaat periarfissaalersinneqarusuppoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 1A3-3, Jens Kreutzmannip Aqqutaa aamma Saqqarliit, Nuuk

Punkt 13: Paamiut qanittuanni qassusersorluni qaleralinniarnissamut periarfissinneqarnissaq

Beslutning

Oqaluuserisassaq kinguartinneqarpoq, "Aalisarnermik piniarnermillu inuussutissarsiuteqarneq pillugu siunnersuisoqatigiit" tusarniarneqarnissaat kissaatigineqarmat.

Paamiut qanittuanni qassusersorluni qaleralinniarnissamut periarfissinneqarnissaq

Aalajangiiffigisassaq

SagsID.: EMN-2022-09617

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Paamiut qanittuanni misileraalluni qaleralinniarnissaq periarfissaq itigartitsissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunalbestyrelsimi ilaasortaq Dorthe-Marie Fontain-Mogensen novembarip 28-anni 2022-mi allaffeqarfimmumt apeqquteqarpoq, siunnersuutigalugulu piffissami killilikkami sumiiffimmi killilikkami Paamiut qanittuanni qassusersorluni qaleralinniarnissamut misileraasoqassasoq, tassa Kommunalbestyrelsip oktobarip 5-ianni 2021-mi ataatsimiinnerani immikkoortoq 14 aalajangerneranut ingerlariaqqinnertut. Kommunalbestyrelse aalajangerpoq, suliaq ataatsimiititamut susasaqartumut ingerlateqqinneqassasoq, siunnersuummut periarfissat misissorneqarniassammata. Aningaasaqarnermut Inuussutissarsiornermullu Ataatsimiititamiikkunnaarlunili Sanarfinermut Avatangiisinullu Ataatsimiititamiilernikuuvoq.

Aalisarnej pillugu inatsisartut inatsisaat nr. 18, 31. oktober 1996-imeersumi § 23 naapertorlugu Naalackersuisut akuersissuteqarneratigut aalisarnej pillugu kommunit malittarisassalorsinnaapput. Malitarisassat matumani Kommuneqarfik Sermersuumi inuussutissarsiuteqarnikkut qaleralinniarneq pillugu Ileqqoreqqusani qaleralinniarnermut ileqqoreqqusat 2014-imi Kommuneqarfik Sermersuumit akuersissutigineqarput.

Kommuneqarfik Sermersuumi inuussutissarsiuteqartut qassusersorlutik qaleralinniarnernanni ileqqoreqqusami "qassusersorneq" ima paasineqassaaq: Kivisittakkanik qassusersorneq allatigullu qassusersorluni, taamaattoq bundgarnit pinnagit. Kommuneqarfik Sermersuumi inuussutissarsiuteqartut qassutit atorlugit qaleralinniarnerat inerteqqutaavoq. Kommunilli sineriaa kangianiittoq inerteqquteqarnermi tassani ilaatinneqanngilaq. Ileqqoreqqusat uku aqqutigalugit immikkut akuersissuteqartoqarsinnaanngilaq.

46, 14. december 2020-meersumi § 8 naapertorlugu qassutinik kilisallunilu qaleralinniarneq inerteqqutaavoq. Taamaattoq piffissami killilikkami sumiiffimmi killilikkami aalisarnissamut kommunit ileqqoreqqusaani akuersissuteqarnissamut pisinnaatinnearput. Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-meersumi § 8 naapertorlugu piffissami killilikkami sumiiffimmi killilikkami kommunip ileqqoreqqusaani bundgarnersorluni immikkut aalisarsinnaaneq ingerlatsivimmit naliliineq malillugu imaanngilaq immikkut akuersissutissatut paasineqassasoq. Misileraalluni aalisarnissamut akuersissuteqarniaraanni kommunip ileqqoreqqusai allanngortittariaqarput.

Paamiuni qaleralinnut tunngasut Nunatta Kujataanut attuumassuteqartinneqarput. 2022-mi biologit siunnersuinerat naapertorlugu pisassat 222 tons-iupput. 2020-mi pisat pillugit paasissutissat kingullit pigineqartut naapertorlugit 391 tons-it pisarnejarsimapput. Taamaammatt qaleralinniarneq

uumasoqassuseq eqqarsaatigalugu attanneqarsinnaanngitsoq aningaasaqarnikkullu imminut akilersinnaassanngitsoq nalilerneqarpoq.

Ingerlatsivimmit nalilerneqarpoq, matuma siuliini taaneqartut naapertorlugit ileqqoreqqusat allangortinneqanngippata Paamiut qanittuanni qassusersorluni qaleralinniarnissamut misiligaasoqarnissamut siunnersuut akuerineqarsinnaassanngitsoq. Ingerlatsivimmit nalilerneqarpoq, aalisarneq uumassuseqassutsikkut attanneqarsinnaassanngitsoq aningaasaqarnikkullu imminut akilerneqarsinnaassanngitsoq, taamaattumillu siunnersuut itigartinneqassasoq innersuussutigalugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunalbestyrelsip suleriaasissaatut aalajangersagaq §3: Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq
- Aalisarneq pillugu inatsisartut inatsisaat nr. 18, 31. oktober 1996-imeersoq
- Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-meersoq
- Kommuneqarfik Sermersuumi inuussutissarsiutigalugu qaleralinnik aalisarneq pillugu maleruaqqusaq

Siusinnerusukkat aalajangiinerit

Kommunalbestyrelse 05.10.21:

Kommunalbestyrelsip aalajangerpaa siunnersuut ataatsimiititamut paasissutissat sukumiinerusut misissorneqarnissaat siunertaralugu ingerlateqqinneqassasoq.

Sanarfinermut Avatangiisinullu Ataatsimiititaq, 01.06.23:

Inassuteqaat amerlanerussuteqartut, (IA aamma N), akuersissutigaat.

Inassuteqaat ikinnerussuteqartunit (S aamma D) itigartitsissutigineqarpoq. Siumumit aamma Demokratinit ikinnerussuteqarnermi oqaaseqaat: Suliaq attuumassuteqartunut tusarniutigineqartariaqarpoq.

Ilanngussat

Soqanngilaq.

Punkt 14: Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

4C7 - 1 Unaaq, Nuuk pillugu siunnersuut

Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tusarniaaneq

Aalajangiiffigisassaq

SagsID.: EMN-2023-00043

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4C7-1 Unaaq, Nuuk sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 4C7-1 Unaaq, Nuuk, matumuuna saqqummiunneqarpoq. Kommunimut pilersaarummut tapiliussaq pilersaarusiornermut siunnersuut Unaaq – Qinnngutsinni nutaamik inissialiornissaq, piffissami 02. marsi – 27. aprilli 2022-mi tamanut tusarniaassutigineqartoq Kommunalbestyrelsimillu 30. aggusti 2022 akuersissutigineqartoq, tunngavigalugu suliarineqarpoq.

Matumani kommunimut pilersaarummik siunnersuummi immikkoortoq C nutaaq, Nuummi Qinnngutsinni inissianut inuussutissarsiutinullu mingutsitsisuunngitsunut, atugassiissutigineqarpoq. Immikkoortoq illoqarfiup qeqqa pioreersoq nangillugu atugassiissutigineqarpoq, tassangaanniillu inissiaqarfiillu Suloraq, Pinguaraq aamma Igimaq akornanni ikaarsaarfittut pilersinneqarpoq. Aqqusineq pioreersukkut Unaakkut immikkoortumut aqquteqassaaq, taanna pilersaarummik ineriartortitsinissamut periarfissiinissamut avammut tallineqassammat.

Katillugit sanaartorfissat tallimat atugassiissutigineqassapput, quleriit assigiinngitsuussapput sisamaniit arfinilinnut. Sanaartorfissami immikkut ataatsimik illuliortoqarsinnaavoq, taakkulu pingasunik ataatsimut sanaartukkanik illutaqassapput. Illuni init quleriit allersaat 50%-imik ammasutut sanaartorneqassapput, illup silataanik matuneqassanngillat. Taamaalilluni nunataatigut angallattoqarsinnaalissaaq, biilit unittarfiinik qulisanik sanaartortoqarsinnaalissaaq ilaallu ilanngullugit.

Illuliornikkut inissianik ataasiakkaanik 100-nik kiisalu inuussutissarsiornissamut periarfissanik arlalinnik, inissialiornermut ataqatigiissarsinnaasunik, sanaartornissamut periarfissaqalissaaq. Matumani inuussutissarsiutit mingutsitsisuunngitsut nipiliorfiunngitsullu pineqarput. Cafeqassappat/neriniartarfeqassappat unnuami nipiliorfiussanngillat.

Pilersaarutip ilaatut qaqqajunnakkut aqqusineeraliortoqarsinnaavoq, taamaasilluni Sulooqqap Igimallu akornatigut aqquteqalissaaq. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguartaarfiit, uninngaartaarfiit ilaallu ilanngullugit.

Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussassatut siunnersuummik 4C7-1-imik akuersinikkut kommunimut pilersaarummut tapiliussani 4A4 - 2, 4A5-2/4A5 - 3 aamma 4C6 - 1 immikkoortumut aalajangersakkat allassimasut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut una pilersaarummik piginnittumit suliarineqarpoq. Ingerlatsivimmit pitsaassutsimik qulakkeerinninneq, siunersiueqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusionerit aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 01.06.23:

Inassuteqaat akuersissutigineqarpoq.

Ilanngussat

1. 4C7 - 1 Unaaq, Nuuk pillugu siunnersuut

Punkt 15: Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut pillugit tamanut tusarniaaneq

Beslutning

Inassuteqaat akuersissutigineqarpoq.

Bilag

Aalajangersakkat pingaarnerit nutaatut siunnersuut

Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut pillugit tamanut tusarniaaneq

Aalajangiiffigisassaq

SagsID.: EMN-2023-01842

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat pillugit siunnersuut sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsiviup immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat pillugit siunnersuut saqqummiuppa. Immikkoortoq ullumikkut sanaartorfioqqusaanngitsutut, sukisaarsarfittut immikkoortutut toqqagaavoq atorineqarnissaa pinngortitaassutsimisut ittuussasoq aalajangersagaalluni. Immikkoortumi illoqarpoq 3-nik, tamarmik kuup qanittuani inissisimapput, taamaalillunilu illoqarfittut inissisimavoq. Pingaarnertut aalajangersakkat nutaat pillugit siunnersuummi immikkoortoq sukisaarsarfissatut aalajangersimaneqaannarpoq, kisianni periarfissiisoqarpoq illut pioreersut allanngortinneqarsinnaaneritut, tassunga ilanngullugu akunnittarfittut siunertalinnut. Ullumikkut Kommunimut pilersaarummi, immikkut pisoqartillugu, immikkoortoq D-mi akunnittarfiliorsinnaaneq illuaraliorsinnaanerlu periarfissaavoq, immikkoortullu ilaata pingaarnertut aalajangersagartaanik allannguneq taamaalilluni naapertuutilissaaq.

Sumiiffimmi illut pioreersut ilaat ullumikkut nungullarsimapput atorineqaratillu. Illuutigineqartut siunertanut allanut atorineqartussanngorlugit allanngortinneqarnerisigut sumiiffiup sukisaarsarfissatut naleqarnera qaffatsinneqassaaq aammalu suliffinnik isumalinnik pilersitsinissaq annertusaaqataaffigissallugu.

Sanaartukkat pingaannginnerit naleqquttuusinnaapput, naatitsiviit, ikaat, qimminut illuaqqat assigisaallu, sukisaarsartarfittut siunertanut ilaatinneqartut.

Siunnersuut tamanut tusarniaassutigineqassaaq sapaatip-akunnerini 8-ini. Tusarniaaneq najukkami aamma kommunip tusarniaanermut nittartagaani allagarsiutigineqassaaq.

Matumani siunnersuut akuerineqassappat aalajangersagaareersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusionerqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaattillit

- Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 01.06.23:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat pillugit siunnersuut sapaatip-akunnerini arfinilinni tamanut tusarniaassutigineqarnissaa akuerineqassasoq
- suliaraq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat imatut oqaaseqaatitalerlugu akuersissutigineqarpoq: Kommunitumut pilersaarummut tapiliussaqaq sapaatip akunnerini 8-ni tusarniutigisassanngorlugu ingerlateqqinneqarpoq, taamaattorli qinnuteqaat ilaatinneqassanngilaq taanna tamatuma kingorna immikkoortillugu suliarineqassammat.

Ilanngussat

1. Aalajangersakkat pingaarnerit nutaatut siunnersuut

Punkt 16: Tankeqarfik 40E2, Ittoqqortoormiit, pillugu aalajangersakkt nutaat pillugit siunnersuummik tamanut tusarniaaneq

Beslutning

Ken Madsen immikkoortup 16-p sammineqarnissaanut attuumassuteqarpallaarnini nalunaarutigaa.

Inassuteqaat akuersissutigineqarpoq.

Bilag

Immikkoortup ilaanut 40E2-mut, Tankeqarfik, pingaarnertut aalajangersagassatut siunnersuut

Nutaamik inissiffissaa ilaatillugu KNI-miit qinnuteqaat

Immikkoortup ilaata nutaamik killeqarfissaatut illorsuullu nutaamik inissiffissaanut siunnersuutitalik immikkoortup ilaa 40E2 pillugu nunap assingani takussutissaq

Tankeqarfik 40E2, Ittoqqortoormiit, pillugu aalajangersakkat nutaat pillugit siunnersuummik tamanut tusarniaaneq

Aalajangiiffigisassaq

SagsID.: EMN-2023-02019

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat nutaat pillugit siunnersuut sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq ilisimatitsissutitut Kommunalbestyrelsimut ingerlateqqineqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsiviup immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat nutaat pillugit siunnersuut saqqummiuppa. Ullumikkut immikkoortoq teknikkimik atortulersuutitut atugassanngortitaavoq aamma nunaqarfiup tankeqarfianut atorneqarpoq. Immikkoortup ilaa 40E2 Ittoqqortoormiit kitaata tungaaniippoq, Aalborgvejip eqqaatigut umiarsualiviup uiggiutaani tamannalu 0,7 ha-it missiliorlugit annertussuseqarpoq.

Pingaarnertut aalajangersagassatut siunnersuummi immikkoortup teknikkimik atortulersuutitut siunertalinnut atorneqarnissaa aalajangiusimaneqarpoq, immikkoortulli ilaa avannamut killinga annertusitineqassaaq taamaalilluni immikkoortoq 10,5 ha-itut annertutigilersinneqarluni. Immikkoortup ilaa taamaalilluni nunaqarfiup innaallagissiorfianik, transformatoreqarfimmik gassiiisivimmillu peqarpoq tassalu immikkoortup ilaani tassani teknikkimut atortulersuutit ataatsimoortinneqarput.

Qamutitut motorilinnut garagiatut atugassamik haalimik qaarajuttuliornissaq pillugu KNI-miit qinnuteqaat ingerlatsivimmit tiguneqarpoq. Illut marluk (B-231 aamma B-605) Polaroilimit pigineqareersut haalimik qaarajuttuliassatut qinnutigineqartup eqqaaniittut. Haalimik qaarajuttussap inissisimaffissaatut kissaatigineqartoq Qanganitsat eqqaanni Qitiusoqarfimmi immikkoortup ilaa 40C2-miippoq, tassanilu pingaarnertut aalajangersakkat atuuttuusut naapertorlugit sanaartorneq inerteqqaalluni. Siuliani immikkoortup ilaata killeqarfianik allannguissamut siunnersuutigineqarnerani haalimik qaarajuttoq immikkoortup ilaani 40E2-mi inissinneqassaaq matumanilu pingaarnertut aalajangersakkat nutaat naapertorlugit sanaartorneqarsinnaanngussalluni. Qinnuteqaat nutaamik inissisimaffissatut kissaatitalik ilanngussaq 2-tut ilanngunneqarpoq.

Siunnersuut sapaatip-akunnerini arfineq-pingasuni tamanut tusarniaassutigineqassaaq. Tusarniaaneq najukkami aamma kommunip tusarniaanermut nittartagaani allagarsiutigineqassaaq.

Matumani siunnersuut akuerineqassappat aalajangersagaareersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusiorneqarnerat pilersaarusiornermut immikkoortoqarfiup pilersaarutaasumik ingerlatsineranut ilaavoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartillit

- Pilersarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 01.06.23:

Inassuteqaat akuersissutigineqarpoq.

Ilannussat

1. Immikkoortup ilaanut 40E2-mut, Tankeqarfik, pingaarnertut aalajangersagassatut siunnersuut
2. Nutaamik inissiffissaa ilaatillugu KNI-miit qinnuteqaat
3. Immikkoortup ilaata nutaamik killeqarfissaatut illorsuullu nutaamik inissiffissaanut siunnersuutitalik immikkoortup ilaa 40E2 pillugu nunap assingani takussutissaq

Punkt 17: Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissaa

Beslutning

Inassuteqaat amerlanerussuteqartunit (IA, N aamma D) akuersissutigineqarpoq.

Inassuteqaat ikinnerussuteqartunit (S) itigartitsissutigineqarpoq. Siumumit ikinnerussuteqartutut oqaaseqaat: Inassuteqaat akuerineqanngilaq pilersaarummullu qinnuteqaat itigartinneqarluni. Nunaminertat sinneruttut qanoq atorluarneqassanersut ersarissarneqarnissaat aamma kikkut tamarmik nunaminertanik qinnuteqarsinnaanerit ammaanneqassasoq Siumumit kissaatigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Pilersaarutitut qinnuteqaat, Issortarfimmi Allaffeqarfiit

Pilersaarummik piginnittup allagartai

Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissaa

Aalajangiiffigisassaq

SagsID.: EMN-2021-12973

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- pilersaarutit qinnuteqaatip Issortarfimmi Allaffeqarfiit akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Pilersaarutit qinnuteqaat Issortarfimmi Allaffeqarfiit pilersaarummik piginnittoq Piginneqatigiiffik Anpartsselskabet 1/9 2019, Per Laugesenimit, sinnerlugu Sanarfinermut Avatangiisinullu Ingerlatsivimmit saqqummiunneqarpoq.

Issortarfimmi Allaffeqarfiit sapaatip-akunnerini arfineq pingasuni, piffissami 1. marsi - 26. aprili 2023, tamanut tusarniaassutigineqarpoq. Tusarniaassutiginerani tusarniummut akissutit sisamat tiguneqarput, taakkunanilu marluk oqaaseqatigiinnik annikitsunik allannguuteqartitsinermik kinguneqarput. Tusarniaanerup nalaani Katuami paasissutissiilluni ataatsimiisitsisoqarpoq, tassunga innuttaasut 0-it takkupput.

Pilersaarut

Issortarfimmi Allaffeqarfiit pillugit pilersaarummut qinnuteqaammi 15.000 m²-it illunut tallimanut allaffissornermut inuussutissarsiutinullu agguataakkat pineqarput.

Ukuningga sanaartornissaq qinnuteqaatigineqarpoq:

- Illut tallimat 2-4-nik quleriillit
- Illoqarfimmi aqqusineq nutaaq Issortarfimmut atassuserneqassaaq
- Nutaamik sanaartornermi biilit unittarfii
- Sanaartukkanut pioreersunut atatillugu biilit unittarfii nutaat 25-t pilersinneqassapput
- Aqqusineeqqat aamma pisuinnaat aqquaat

Illoqarfiup pingaarnertut pilersaarusionerqarnera

Pilersaarusionerfik immikkuualuttoq 2C2 Issortarfik, Nuummiippoq, ullumikkullu inuussutissarsiornermut allaffissornermullu illoqarpoq. Immikkuualuttup kujataatungaa sanaartorfiunngilaq immikkuualuttorlu pilersaarusionerqarsimanani.

Pilersaarutip imarai, aqqusinermit attaviup saniatigut, aqqusineeqqat, immikkuualuttumit immikkoortumi aqqusineeqqat pisuinnaallu aqquataannik pioreersunik ataqatigiissitsisut. Ilanngunneqarsimapput qorsooqqissut aamma nasiffiit Issiavinnik takisuunik naasulerfinnillu pilersorneqartussat.

Illuliortaatsimut taaguutit pingaarnertut

Illuliortaatsimut tunngatillugu siunnersuutip titartagartaani sanaartornerup ilisarnaatigaa sanaartukkat sanileriaartunik, tallimanik 2-4-nik quleriilinnik, immikkut inissisimasunik illutaqarnissaat. Sanaartukkap inissisimaneratigut isikkiveqartitsinissaq aammalu illunit tamanit/illunullu qaammarissuutitsisoqarnissaa eqqumaffigineqarpoq. Illut tamarmik igalaavisa sinaat akuttoqatigiissapput igalaallu angisuujussallutik, qaliallu ilusaat sivinganerilu

assigiinngisitaartuussapput. Pilersaarutip angissusaatigut, ilusaatigut atortussanillu toqqakkatigut Issortarfimmi sanaartukkanut pioreersunut ilassutitut ippoq.

Inunnut sukisaarsarfinnullu tunngasut

Ilanngunneqarsimapput qorsooqqissut aamma nasiffiit Issiavinnik takisuunik naasulerfinnillu pilersorneqartussat. Tamatuma saniatigut illunut atasunik siunissami atuisussanut aneersuortarfinnik sanasoqassaaq.

Pinngortitap assigiinngiiaartuunera aamma silap pissusaanut naleqqussaaneq

Pilersaarummi nuna naasullu pioreersut attatiinnarnissaat anguniarneqassaaq. Sanaartorfissagissaanermut tunngatillugu qutsissuseq immap qaaniit uuttorlugu 51 - 39-imiit nunagissaasoqassaaq.

Inerniliineq

Ingerlatsivimmit pilersaarutitut siunnersuummut tulliuuttunik oqaaseqaateqartoqarpoq, pilersaarut akuerineqassappat, siunissami kommunimut pilersaarummut tapiliussamik suliaqarnermi aalajangersakkanut ilanngussassatut innersuussutaasunik.

- Silami uninngaartarfissat immikkoortumut pingaaruteqarluinnartussaapput, taamaattumillu pingaartinneqarluinnartussaallutik. Isikkiviit qorsooqqissortallu seqinermut, anorimut, isikkivimmut biilillu inissiiviinut allanullu naleqqussarlugit pilersinneqassapput
- Immikkoortoq akimorlugu pisuttunut toqqissisimanartumik aqutissamik, avammut Nuussuup Mannguanut atassusilerneqartussamik, pilersitsisoqarnissaa qulakkeerneqassaaq. Tassunga tunngatillugu qaammaqusersuinerneq, angallattunut allanut alianaanneratalu naleqassusaanut aamma atuuppoq
- Siuliini eqqaaneqartut tunngavigalugit illut silatai suliarineqassapput, taamaalilluni inuit angallaffigisaat uninngaartarfiilu atortussamik toqqaanermi ilaalu ilanngullugit ilaatinneqassammata

Ingerlatsiviup innersuussutigivaa kommunimut pilersaarummut tapiliussaq 2C2-1 atorunnaarsinneqassasoq, immikkoortup ilaanullu nutaamik pilersaarummut tapiliussamik suliaqartoqarluni.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummi piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartornermilu aningaasartuutissat tamaasa nammineq akilissagai.

Pilersaarut sanaartukkat allat assigalugit pisortat kuuffissuaannut pingaarnernut atassuserneqassaaq, ullumikkullu taakku annertusarneqarnissaat pisariaqartinneqarpoq. Pilersaarummi qinnuteqartoq ingerlatsivimmit ilisimatinneqarpoq, kuuffissuaqarnikkut ingerlatsinermi ajornartorsiuteqartoqarpoq, tassa sumiiffimmi eqqaamiuusunut tunngatillugu kommunimut pilersaarummut tapiliussat assigiinngitsut akornanni kuuffissualersuineq takisooq eqqarsaatigalugu. Taamatullu kommunimit qinnuteqartoq ilisimatinneqarpoq, pilersaarutip pingaarnertut kuuffissuaqarnikkut sunniutigisinnaasaanik qinnuteqartup takussutissaliussagaa sunniutigisaanillu aaqqiissutissamik siunnersuusiussasoq.

Pilersaarutitut qinnuteqaat killeqarfiinut tunngasutigut akuersissutigineqassagaluarpat kommune aningaasaqarnikkut pisussaaffiligaassanngitsoq. Taamaattorli kuuffissuaq pineqartoq kuuffinnik iluarsartuussinissamut pilersaarummut ilaatinneqareerpoq, 2025 1 mio. koruunit aamma 2026-mi 6 mio. koruunit, kuuffissuullu pingaarnernup aqutigisaanut kommunimut pilersaarutitut tapiliussanut tamanut attuumassuteqarluni.

Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 01.06.23:

Inassuteqaat amerlanerussuteqartunit (IA, N aamma D) akuersissutigineqarpoq.

Ikinnerussuteqartut Siumumit oqaaseqaat: Inassuteqaat akuerineqanngilaq pilersaarummullu qinnuteqaat itigartinneqarluni. Nunaminertat sinneruttut qanoq atorluarneqassanersut ersarissarneqarnissaat aamma kikkut tamarmik nunaminertanik qinnuteqarsinnaanerat ammaanneqassasoq Siumumit kissaatigineqarpoq.

Ilangussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarutit qinnuteqaat, Issortarfimmi Allaffeqarfiit
4. Pilersaarummik piginnittup allagartai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutit qinnuteqaatinik ingerlatsineq
8. Pilersaarutit qinnuteqaatit misissuiviat
9. Inatsisartut inatsisaat nr. 34, 9. december 2015-imeersoq

Punkt 18: Tamanut tusarniaaneq Kommuneqarfik Sermersuumi illuliornermit sanaartornermillu nipit akornusersuutaasartut pillugit ileqqoreqqusaq pillugu

Beslutning

Inassuteqaat akuersissutigineqarpoq.

Bilag

Støjvedtægt endelig udkast Juni 2023_2301448_KAL.docx



Tamanut tusarniaaneq Kommuneqarfik Sermersuumi illuliornermit sanaartornermillu nipit akornusersuutaasartut pillugit ileqqoreqqusaq pillugu

Aalajangiiffigisassaq

SagsID.: EMN-2023-01495

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- siunnersuut Kommuneqarfik Sermersuumi Illuliornermi sanaartornermilu nipiliorsinnaanermut ileqqoreqqusaq 2023 sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussaq

Ingerlatsivik akuttunngitsumik saaffigineqartarpoq sanaartorfinni nipiliorsinnaanermut malittarisassaqaarnersoq. Maannakkuungallartoq Kommuneqarfik Sermersooq namminerisaminik ileqqoreqqusamik peqanngilaq. Tamatuma kinguneranik ileqqoreqqusamik peqalernissaq pisariaqartinneqartoq malunnarmat, siunnersuummik maanna saqqummiussisoqarpoq.

Nipiliornernut illersuinissaq pillugu kommunit malittarisassa at pillugit Namminersorlutik Oqartussat nalunaarutaat nr. 17, 6. juli 2016-imeersoq naapertorlugu ingerlatsivik maanna siunnersuummik saqqummiussaqarpoq. Siunnersuut ingerlatsiviup iluani tusarniutigineqarnikuvoq, tamatumalu saniatigut siunnersuisartumit avataaneersumik suleqateqarnikkut ileqqoreqqusatut siunnersuutissap inaarutaasumik isikkua maanna anguneqarnikuulluni.

Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Aningaasatigut suliatigullu Ingerlatsiviup naliliinera

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- o Avatangiisit innarliitsaaliorneqarnissaanik Inatsisartut inatsisaat nr. 9, 22. november 2011-meersoq
- o Nipiliornernut illersuinissaq pillugu kommunit malittarisassa at pillugit Namminersorlutik Oqartussat nalunaarutaat nr. 17, 6. juli 2016-imeersoq
- o Miljøstyrelsens vejledning nr. 5 fra 1984

Siuserusukkut aalajangiinerit

Sanarfinermut Avatangiisinullu Ataatsimiititaq, 01.06.23:

Inassuteqaat imatut oqaaseqaatitalerlugu akuersissutigineqarpoq: Maleruaqqusaq tusarniutigineqannginnerani §4, imm. 2, pkt. 1-imi piffissat pineqartut allanngortinneqartariaqarput. Ulluinnaat arfininngornerillu assigiinngisinneqarusunngillat.



Ilannugussaq

1. Kommuneqarfik Sermersuumi illuliornermit sanaartornermillu nipit akornusersuutaasartut pillugit ileqqoreqqusaq

Punkt 19: Lukket

Punkt 20: Lukket

Punkt .: Tamalaat

Beslutning

Imaqarniliaq akuersissutigineqarpoq nal. 14.28.

Punkt .: Imaqarniliap akuerineqarnera